

Jangan Panik, Ringgit Akan Pulih - Johari
MStar Online
19 Disember 2016

KUALA LUMPUR: Ringgit, yang rendah seiring dengan mata wang pasaran pesat membangun lain berbanding dolar Amerika, mempunyai kekuatan untuk pulih, kata Menteri Kewangan Kedua Datuk Johari Abdul Ghani.

"Kita tidak perlu panik.

"Kita mempunyai ekosistem yang boleh membetulkannya, memastikan kestabilan politik kukuh dan (berterusan) melaksanakan dasar yang tepat untuk memudahkan pelabur," katanya semasa ditanya mengenai kejatuhan ringgit kepada 4.4805 berbanding dolar AS awal pagi Isnin.

Tambahan ringgit atau kawalan modal tidak perlu memandangkan Malaysia merupakan ekonomi terbuka, katanya kepada pemberita selepas menyaksikan pemeteraian perjanjian strategik antara Amanah Raya Bhd dan Kenedix Inc, Jepun.

Beliau berkata dengan adanya semua faktor-faktor penting, ringgit akan kembali pulih.

Ringgit dan mata wang pesat membangun lain susut berbanding dolar AS berikutan kenaikan kadar faedah oleh Rizab Persekutuan AS pada Rabu lepas.

Rizab Persekutuan AS juga memberi petunjuk yang akan ada lebih banyak kenaikan kadar pada 2017.

Johari berkata jumlah kenaikan kadar faedah oleh AS bergantung dasar Presiden baharu Donald Trump dan Malaysia perlu menunggu perkembangannya. - BERNAMA

Tags / Kata Kunci:

ringgit , panik , dolar AS

Hakcipta Terpelihara © 2016 Star Media Group Berhad (ROC 10894D)

Source: <http://www.mstar.com.my/berita/berita-semasa/2016/12/19/jangan-panik-ringgit/>